

Broj: 07-14-160-23-2/2015-10
Sarajevo, 12.10.2015. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 07-14-160-23-2/2015 od 18.06.2015. godine, sekretar Vlade Federacije Bosne i Hercegovine, **d o n o s i**

ODLUKU
o izboru najpovoljnijeg ponuđača
za nabavku tečnih goriva za službena motorna vozila

Član 1.

U cilju odabira najpovoljnijeg ponuđača, u provedenom postupku javne nabavke konkurentski zahtjev za dostavu ponuda za nabavku tečnih goriva za službena motorna vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 07-14-160-23-2/2015-1 od 15.09.2015. godine, broj obavještenja o nabavci sa portala javnih nabavki: 854-7-1-78-3-4/15, kao najbolje ocijenjena prihvatljiva ponuda je ponuda ponuđača **HIFA d.o.o. Tešanj**, sa ukupnom cijenom ponude sa uračunatim popustom bez PDV-a, u iznosu od **18.755,00 KM**.

Član 2.

Ponuđač iz člana 1. ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a ponudio je cijenu koja odgovara procijenjenoj vrijednosti nabavke ugovornog organa.

Član 3.

Prijedlog okvirnog sporazuma dostavit će se na potpis izabranom ponuđaču najkasnije u roku od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti, u roku od 3 (tri) dana nakon što bude obaviješten od strane ugovornog organa o rezultatima postupka nabavke, a prema tački 13.2. tenderske dokumentacije.

Član 4.

Za realizaciju ove odluke zadužuje se Sektor za pravne i opće poslove i Sektor za materijalno finansijske poslove.

Član 5.

Odluka stupa na snagu danom donošenja i objavit će se na web stranici Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 07-14-160-5/2015 od 05.05.2015. godine. Javna nabavka provedena je putem konkurentskog zahtjeva za dostavu ponuda. Predviđeno je zaključivanje okvirnog sporazuma sa jednim ponuđačem, na period od 12 mjeseci. Procijenjena vrijednost nabavke iznosi 30.000,00 KM bez PDV-a. Predmetna nabavka predviđena je Planom javnih nabavki za 2015. godinu, pod rednim brojem 4. robe - nabavka tečnih goriva za službena motorna vozila, broj: 07-14-160/2015 od 17.04.2015. godine. Obavijest o nabavci, broj: 854-7-1-78-3-4/2015 poslana je na objavu 15.09.2015. godine, te je istog dana objavljena na portalu Javnih nabavki.

Konkurentski zahtjev za dostavu ponuda upućen je na 3 (tri) adrese privrednih subjekata, a tendersku dokumentaciju preuzela su još 2 (dva) privredna subjekta. U predmetnom postupku nabavke, 2 (dva) ponuđača blagovremeno su dostavili svoje ponude. Nije bilo neblagovremenih ponuda. Ponude su dostavili sljedeći ponuđači:

- PETROL BH OIL COMPANY d.o.o. SARAJEVO
- HIFA d.o.o. TEŠANJ.

Komisija za javne nabavke, imenovana Rješenjem, broj: 07-14-160-23-2/2015 od 18.06.2015.godine, izvršila je pregled i ocjenu ponuda, te konstatovala da je, od ukupno dvije dostavljene ponude, ponuda ponuđača HIFA d.o.o. TEŠANJ prihvatljiva, a ponuđača PETROL BH OIL COMPANY d.o.o. Sarajevo neprihvatljiva.

Ponuda ponuđača PETROL BH OIL COMPANY d.o.o. SARAJEVO odbačena je iz sljedećih razloga:

- u Obrascu za cijenu ponude – robe - Aneks 3, navodi se da:
cit „... Pod pojmom cijena podrazumijeva se važeća cijena goriva odobrena za ponuđača od strane Federalnog ministarstva trgovine, što ponuđač dokazuje ovjerenim obrascem o promjeni cijena (OPC) za benzinske pumpe na području Kantona Sarajeva...“
Ponuđač PETROL BH OIL COMPANY d.o.o. SARAJEVO nije dostavio Obrazac o promjeni cijena (OPC) za benzinske pumpe na području Kantona Sarajeva;
- u Tenderskoj dokumentaciji, tačka 14. Aneksi, navodi se da, svi Aneksi osim Aneksa 1, trebaju biti sastavni dio ponude. Ponuđač PETROL BH OIL COMPANY d.o.o. SARAJEVO nije dostavio popunjen Obrazac Izjave o podugovaranju - Aneks 8.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 07-14-160-23-2/2015-9 od 09.10.2015. godine i Preporuku o izboru najpovoljnijeg ponuđača HIFA d.o.o. Tešanj, sa registriranim sjedištem na adresi ul. Krndija bb, 74260 Tešanj, ID broj: 4218015000007, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove Odluke.

Dostaviti:

1. Svim ponuđačima u postupku
2. Komisiji za nabavke
3. Sektoru za pravne i opće poslove
4. Sektoru za materijalno-finansijske poslove
5. a/a

